

Եւ զպատրիզին գործ միւրիւն, և Վճարունն ի Զատիկ
որ ի Թէքիրտաղ: Ի Պուրսայ էնկիւնէր աղասու գլուխն
պատուեն ի խենթից վէզիրին:

Աւագ Բշի (16 Ապրիլ) առաւօտու ելաք յէտրէնու.
երեկոյին ի Հաւսայու ելաք մտաք ի Պապա է ժամու
և անտի ի գիշերի երեկոյին ի Ղարաղարլըն և ժամու,
առաւօտու Դշի (18 Ապրիլ) ի Թէքիրտաղ:

Թվին ՌձԹ Ապրիլի ԻԲ և լուսնին ԻԲ եղև Զա-
տիկն սուրբ, յորում աւուր կայր ննջեցեալ քահանայ
մի արժանաւոր որ ի Շաբաթի աւուր հանգուցեալ էր
և բերեալ քահանայիցն երեկոյին յեկեղեցի: Եւ սկսաք
պաշտել զկարգ հրաշափառ Յարութեան Քրիստոսի Աս-
տուծոյ մերոյ և զկարգ թաղման քահանային Թորոսի՝
մինչեւ ցերրորդ ժամ աւուրն, եւ ապա արձակեալ
զժողովուրդն, կէս մի ընդ քահանային գնացին ի թա-
ղում և կէս մի ընդ մեզ ի սեղան նստան:

Նոյնպէս և յերկրորդում աւուր մեռելոցի (23 Ապ-
րիլ) գնացաք ի գերեզմանս բնակչաց տեղոյն, և զայ-
լուցն կատարեալ իրիցուն այնմ, և մեծաւ պատվով
ի պարտէզսն շրջագայեալ ի խնդրոյ մեծամեծաց նո-
ցունց:

Եւ Դշի աւուր (25 Ապրիլ) հազիւ պրծեալ ի նո-
ցունց՝ հրաժարեցաք և մտաք ի նաւ ի հասարակել
աւուրն:

Եւ Եշի աւուր (26 Ապրիլ) հասաք ի մեծապանծ
քաղաքս, և յոյժ մառախուղ պատեալ էր որ բնաւ
պարիսպքն ևս ոչ երևէր: Եւ տեսաք զՂալաթայ քա-
ղաքն, որ հանդէպ մեծ քաղաքին կայ ամենայն տամբ
և շուկայիւք, մէյխանօք և պէզէստանօք և եկեղե-
ցօք և պալատովք վաղաշինօք, որ ասացին զամե-
նայն Հ և Ե թաղք գոլ, Հ այրեալ և Ե ապա մնացեալ
մեր Լուսաւորչի Հայոց եկեղեցոյն: Իսկ Յունաց այ-